



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Numerus articulorum fidei est in manibus digestus. Caput XVI.

urn:nbn:de:hbz:466:1-30114

& conscientia accusans et testificans subuertet spem mendacij, & protectionem vestram falsam, qua putatis vos tenebras non visuros, & imperu aquarum inundantium non oppressum iri. Quia dominus educet in veritate iudiciū, & iniusticias, & iuste iudicabit, & dabit unicuique secundum opera sua.

Iob. 22.

Esai. 42.

Matt. 16.

Apoc. 22.

Numerus articuloꝝ fidei est in manibus digestus.

Caput XVI.

IN manibus (dixi) fidem deliniauisti tibi Deus. Nam quot articulos habes in vna manu. Nempe 12. tot sunt articuli fidei, quos te credere oportet. Et sicut, digiti sine pollice parum prosunt, operas egregias & principales exequi nequeunt, sic fides sine charitate (quæ per pollicem designatur, eò quod sicut in pollice duo articuli sunt, sic duo sunt præcepta charitatis, in quibus, vt Apostolus dicit, oportet nos omnia opera nostra facere, si Deo placere debent, minus quiddam est, & non sufficit ad salutem. Nam si quis omnem fidem habet, charitatem verò non habet, nihil est: Et bona quæ extra charitatem fiunt, operanti nihil prosunt ad salutem. Vtinam hæc, in sua inani & mortua fide confidentes & frustra sperantes, intelligerent & sciperent, dubio procul, absque mora vincula sua dirumperent, apprehenderent disciplinam, ambulant in vijs iusticiæ, quod bonum est facerent, ac nouissima sua prouiderent, atque in æternum non peccarent. Quod est manus arida vel apoplexia tacta in corpore, hoc est fides otiosa in anima.

1. Cor. 16.

1. Cor. 13.

Deut. 32.

Psal. 2.

Rom. 13.

Ecc. 7.

In vtraque manu, fidei articulos 12. cum duobus præceptis charitatis Deus tibi descripsit, insculpsit & impressit, vt memor semper sis: quod fidem semper confiteri, & charitatem semper seruare debes, tam in tempore prosperitatis & consolationis, quod per dexteram quam aduersitatis, persecutiois, calamitatis & infirmitatis, quod significat per laeuam vt fidem tuam nunquam mutes ab eo, & nulla tribulatio aut

Roma. 8.

Q angu-

angustia, aut fames, aut nuditas, aut periculū, aut perfectio, aut gladius te separare possit à charitate Christi: Vt dilectio tua fortis sit vt mors, & æmulatio tua dura sicut infirmus: Aded vt omnes aquæ populorum iniuste te persequentium, charitatem tuam nō possint extinguere, aquæ enim multæ, populi multi sunt. Nec omnia flumina, hoc est mundi carnis & diaboli aduersa, eam possunt abruere.

Cant. 8.

Apo. 17.

Iob 1.

Iob 2.

1. Cor. 13.

Iob 1.

In 2. Ioan.

Iob. 5.

Baruch 4.

Multi Christū sequuntur, & diligunt, dum pascit eos in deserto, sanat ab infirmitatibus, ditat diuitijs, honores eis tribuit, abundare eos prolibus facit, vallat eorum substantiam, & cunctis operibus manuum eorū benedicit, cuncta eis ex animi sententia tribuit. Tunc sequuntur eum quocunq; ierit: Ecce in prosperitate & dextera, volūt cum eo in carcerem & in mortem ire, sed si paululum manum extenderit, & os eorum aut carnem, vel quæ possident tetigerit, deficiunt, conturbantur, & in faciem ei benedicunt. In periculis fugæ præsidium arripiunt, relinquunt eum solū. Negant eum coram omnibus per mala opera. Iam cū ipso amplius non ambulant. At charitas patiens est, omnia suffert, omnia sustinet, nunquam excidit. Bona accipit de manu domini cum gratiarum actione, mala verò sustinet in patientia & humilitate: Qui facit hæc, non monebitur in æternum Videte ergo vosmetipsos: quia visitando speciem vestrā, non peccabitis aliquando. Sic homo est liber mandatorum Dei, & lex quæ in æternum manet. Omnes qui tenent eam, perueniunt ad vitam æternam: qui autem derelinquunt eam, perueniunt ad mortem.

De secundo libro Dei scripto, qui est totus mundus.

Caput XVII.

A Secundus liber, quem exuperans Dei bonitas ab initio scripsit, & ad voluntatis suæ cognitionem nobis oculos posuit, magna est mundi machina, & vastus iste mundus.